

**Mizefi wáraga bi Páwulo  
eké zí 'yi ga bi simi  
Tasalonika  
ní  
Ledre gi ro mizefi búku bi  
Tasalonika ní**

Simi Moko 'bi 'yimikása e kápita ené 17, 'yimikása Páwulo tonó kóo kanísa simi Tasalonika, bi ni ne mongú gara 'bi Makedoníya simi káṅgá bi Giríṣi ní. Páwulo ìnyì kóo ndá'ba girí 'diya gi zía ngíti géyì Yúda e iliní kóo gi ro útú doa méngì wo bisinyíne. Nda gi 'dá'ba zí Timatíyo bi ndìṣì sáká Páwulo ní ógùnè úku ledre zía kídí 'yi ga bi 'bi Kírésìto simi Tasalonika ní niyí yì eyé kpá fú mitóroyé ngbúó simi ledre 'bi Lomo bi ṅuṅṅuní ní abú ngíti géyì 'yi e ndìṣìní kí méngì yéé bisinyíne ndotó. Née ní zí Páwulo eké ledre ba zíye gi ro í'bí roko'bù zíye kpá kí úkulúgu ledre kací ndu'yú eyé zía.

Simi ledre bi Páwulo eké ní, i'bí mbófo éyì zí Lomo kpá zí 'yi ga bi 'bi Kírésìto simi Tasalonika ní gi ro ledre 'bi Lomo bi ṅuṅṅuní, kpá kí ledre 'bi óto 'bú lafúye bi ndìṣìní óto a ní. Zía kpá úku ledre gi ro ndìṣì bi kóo née ndìṣì dongaráye íri tí ndìṣì 'bi 'yi bi ṅuṅṅu ledre Kírésìto go ní. Zía kpá úku ledre zíye gi ro ledre ga bi niyí méngì royé zí 'yi ga bi 'bi Kírésìto gi do kací umbu kpá wo bi ni méngì roné zíye simi bi Kírésìto

ni ndá'baógu do sogo káṅgá ní. Odu a zía í'bí loru zíye káa zí bi niyí ndíṣi ndíṣi tí káa zí 'yì ga bi 'bì Kírésito ní gì simi sìnḍi kadra bi ni útúásá ní.

*Mizefi wáraga bi Páwulo eké zí 'yì ga bi 'bì Kírésito simi Tasalonika ní*

<sup>1</sup> Sée 'yì ga bi 'bì Tasalonika bi ṅúṅgusé ledre 'bì 'Buzé Lomo kí Kírésito Yésu Ngére 'yì yómo 'yì e go ní, mandá zise.

Azé, máa Páwulo, Siliváno nda kí Timatiyo.

Lomo idí lúru bi kacise gì do bi zise ndíṣisè bilámáse.

*Mbófo éyì zí Lomo gì ro 'yì ené ga bi simi Tasalonika ní*

<sup>2</sup> Kí'dí bi azé go ini ini zí 'Buzé Lomo ní, ndíṣizé sómúndiki ledresé, zize ndíṣizé mbófo wo gì zía bi ówosé wo bú bilámáne, zise ṅúṅgu ledre ené, zise ndíṣisè méngi moko zía ní. <sup>3</sup> Kací kadra mbá ndíṣizé mbófo bilámá moko bi méngisè gì zía bi ṅúṅgusé ledre 'bì Kírésito go zise ndíṣi tórosé ngbúó kpá kí mióto komosé gì ro mindá'baógu Kírésito Yésu Ngére ezé ní zí 'buzé Lomo.

<sup>4</sup> Owú 'bì Babá e, ndíṣizé kpá mbófo ándá Lomo gì zía bi owozé bú kídí oto 'búse go, zía géléógu sée káa do 'yì ené e ní. <sup>5</sup> Owozé ledre née gì zía, 'Dówú Lomo ndíṣi sáká zée ne, zize ndíṣizé ódro ódro bi kí roko'buné simi bi azé ndíṣi úku bilámá ledre 'bì Lomo zise ní. Zí 'Dówú Lomo kpá sáká sée kíngaya, zise ówo a kídí ledre bi ukuzé zise ní, ni ma'díi ledre. Ówosé

mindisizé bi kóo dongarásé íri gi ro sáká sée ní bú. <sup>6</sup> Nda simi bi 'yi e tonóní 'dó'do sée kíngaya gi zía bi ndisísé úwú ledre ga bi ndisizé úku yée zise ní, zise útusimisé kíngaya do tórosé ngbúó, cé káa zí bi kóo lúrúsé zée, utuzé simizé kíngaya, zize tórozé kpá ngbúó káa zí Ngére ezé Yésu ní. Abú 'dó'dósé kíngaya yá, 'Dówú Lomo ndisi kpá fú sáká sée, zise ndisi ídíse kí rokinyi. <sup>7</sup> Nda simi bi 'yi 'bi Mekedoníya e kí 'yi 'bi Ákaya ga bi ngununí ledre 'bi Ngére Yésu go, lurúní 'dú'du esé kí miméngi ledre esé e niyi nda yi eyé go kpi bilámáye ní, zíye iniyé mbá ndisi méngi lódú kací bilámá ledre ga bi ndisísé méngi yée ní. <sup>8</sup> Bi ndisísé úku ledre gi ro Ngére Yésu ndaá lá dụú zíye wá, gi zía bi phanda ledre máa née aṅga go kací bi e za mbá ní. Ndaá lolu miútúásáne zize úku ledre gi ro ledre 'bi Lomo bi ngungusé ní wá. <sup>9</sup> 'Yi máa ga gére née mbá, itíní phanda ledre go kídí méngi yemesé ledre go gi rozé. Kpá kí ledre bi ótoómosé ledre 'bi bicayi lomo ga bi 'bi sága ba, zise go óyóló'bó mimbé'desé ndisi mbófo lá dụú Lomo bi ni Ma'díi kpá Tridri ní kí méngi moko zía. <sup>10</sup> Zise ndisísé kí óto komosé gi ro mindá'baogu Yésu Owú 'bi Lomo gi komo ere, wo bi kóo 'Buzé Lomo uru wo gi simi umbu ní, ni yómo zée gi tara mongú nduwú bi ni gú ogu ní.

## 2

*Mindisi Páwulo bi kóo simi Tasalonika ní*

1 Owú 'bi Babá e, ngíti géyì 'yì e ukuní kídí, oguzé kóo zise íri lá gbékpìe. Éyì ndaá kenée wá. 2 Ówosé bú kídí, 'yì ga bi ngará nṅunṅuní ledre 'bi Lomo wá ní, 'do'doní kóo zée simì Phílípoyì kí úku zée. Nda nées ní, simì kadra bi kóo oguzé zise íri ní, ndìṣìní kóo kpá kála ledre 'bi Lomo bi ndìṣìzè úku a zise ní. Abú kenée ndotó, Lomo i'bí kóo roko'bu ené go zize gí ro úku bilámá ledre ené kíe zise. 3 Ukuzé ezé kóo ledre nées zise gí ro zise í'bi késì zize wá, ndaá kpá gí ro zì 'yì e mbófo zée wá. Ingbízè ezé kóo rozé zise kí lónodo sée gí ro zì bi émené rosé wá. 4 Londoze ezé kóo kpá komosé gí zía bi azé 'yì mimbé'de e ní wá. Ukuzé kóo zise mbigí bilámá ledre 'bi Lomo káa zì 'yì ga bi Lomo ma'dáa uzu yée go, zíye útúásáye kací komoa, zía nṅunṅu a zíye gí ro zíye úku ledre ené ní. 5 Ilizé óto Lomo, wo bi owo ledre gí simizé bú ní, zía ídine kí rokinyi, ndaá gí ro zì 'yì e ídíye kí rokinyi ye wá, ndaá kpá sée kí ngíti géyì 'yì e wá.

6 Ndìṣìzè ezé kóo íri gí ro zise kí ngíti géyì 'yì e mbófo zée wá.

Káa zì 'yìmikása ga bi 'bi Kírésìto ní, ásé kóo 'dó'dó mi'dó'dó kí lúru bi kacíze, 7 tí lá ndìṣìzè kóo lúru bi kacíse káa zì mbámìowú ndìṣì lúru bi kací owú 'bi ené e ní. 8 Ukuzé kóo bilámá ledre 'bi Lomo zise, gí zía otozè 'búse go kíngaya, zize kpá méngì ledre bi ni miútúásáne gí rosé ní. 9 Simì bi kóo azé ndìṣì úku bilámá ledre 'bi Lomo zise ní, ndìṣìzè ezé kóo gbékpìe lá lúru bi zise gí ro éyì miánu wá, ndìṣìzè kóo méngì moko ezé cú ze kí sílize kací kadra za mbá, káa bi kúrú 'bi

lúru bi kacize ni koo mengi see ke.

<sup>10</sup> Ledre bi máuku ba ní, ranga ndaá simi a wá ówosé bú, Lomo owo kpá bú. Milúyú ledre ndaá simi ndisi ezé bi koo kése iri ní wá. <sup>11</sup> Mengizé koo ledresé kí úku ledre zise, kí lóru see kaa zí 'bumiowú mengi ledre owú 'bi ené e ní, <sup>12</sup> gi ro zí mimengi ledre esé í'bí rokin yi zí Lomo, gi zía ndolo see gi ro zise ówo née kaa do Ngére esé kpá kí mbófo née.

<sup>13</sup> Ndisizé í'bí mbófo éyí zí Lomo kací kadra za mbá, gi zía kadra bi koo úwúsé ledre bi ukuzé zise ní, úwúsé kaa zí kúrú Lomo ní. Sómúsé koo go kídí, née ndaá ledre bi gi zí 'yima'dí ní wá, ówosé koo go téké kídí, née ledre bi gi zí Lomo ní. Ni óto see, zise ídise kí roko'bu rosé gi zía ílisé ledre ma'dáa go. <sup>14</sup> Útúsé simisé go bilámáne simi bi koo 'yi esé e ndisini 'dó'do see ní, cé kaa zí 'yi 'bi Kírésito Yésu ga kóna simi kángá 'bi Yúdaya utuní simiyé simi bi koo 'yi eyé e 'do'doní yée ní. <sup>15</sup> 'Yi 'bi Yúda ga gére ní, ngíti géyi ufuní koo Ngére Yésu ye. 'Dá'dá gi zía née ní, ndisini koo go úfu nébi e 'desí. Ogóoyóní koo zée kpá ye gi simi gara esé. Kací kadra za mbá, ndisini fú lá mengi éyí bi mimbé'de Lomo ndisi esí gi zía miésí ní. Owozé go kídí otoní royé go ndisi 'dó'do 'yi e za mbá, <sup>16</sup> gi zía bi iliní úcuómo zée kí úku ledre 'bi Lomo zí kufú ngíti géyi 'yi e gi ro zíye ómoyé ní. 'Yi 'bi Yúda ga gére ní, lúyú ledre eyé rorómó go. Lomo ni karanée í'bí ndúwu royé kángaya.

*Páwulo oto 'bú 'yì ga bi 'bì Lomo simi Tasa-  
lonika ní*

<sup>17</sup> Owú 'bì Babá e, yemezé ezé kóo rozé miyéme gí ro ndéréómo sée wá, gaganí kóo zée miágaga. Abú kenée ndotó, azé fú lá ndìsì sómù ledresé. Ndìsìzè sómù ledre kíngaya gí ro óguzé lúrú sée. <sup>18</sup> Mengìzè kèyì za kí roko'bùzè mbá. Mongù a, máa Páwulo, máyème romá kí'dí tù'dù gí ro ógumá zise íri, utúasá mbá wá. Satána sinyi mìsì'di ledre ga gére née mbá mìsinyi. <sup>19</sup> Ilizé ógu ndìsì lúrú sée kenée, gí zía ásé se 'yì ga bi niyí óto zée, zize ídíze kí rokinyi, kadra bi Ngére ezé Yésu ní ndá'baógu simi a ní. <sup>20</sup> Azé ídí kí mongù rokinyi gí zise kadra máa née.

### 3

<sup>1</sup> Gí zía bi 'búse ofu dozé go ní, zize ndìsìzè sómù ledresé kíngaya. Zía útúásáne kací komozé kídí abú ndìsìzè simi Átani kí ngúcuzé yá mengì éyì wá. <sup>2</sup> Zize kása lúnduzé Timatíyo, eze 'yì mokoze bi Lomo ndolo wo, zize ndìsìzè úku bilámá ledre gí ro Kírèsìto Yésu 'Yì yómo 'yì e ndro kéye ní. Ukuzé kóo ledre zía kídí, idí sáká sée simi sómù ledre kpá kí lóru sée kíngaya gí ro zì cìyì ledre 'bì Lomo ídíne simisè kíngaya. <sup>3</sup> Káa bi ngúru 'yì gí dongarase ní ótoómo ledre 'bì Lomo gí zì úzu éyì bi ásé simi a née. Ówosé bú kídí, zée 'yì ga bi 'bì Ngére Yésu ní, gí zía bi ndìsìzè fú lódù kací a ní, ezeokóga niyí ndìsì úzu zée. <sup>4</sup> Simi bi kóo azé íri ní, enzìzè kóo komosé go kí ledre 'dá'dá kídí, ídíse tóro ngbúó, niyí karanée 'dó'do zée. Ówosé go bilámáne, mengì

zíze go tí káa zí bì kóo ukuzé zíse ní. <sup>5</sup> Née sí ledre bì kasazé Timatiyo zíse íri gí roa ní, gí zía ilizé úwúyéme ledresé, togú ñgúngu ledre esé zí Lomo ni fú bo yá. Ndịsịzé sómú'ló'bó ledre gí rosé kídí ambí owo ne Satána londo yí ené sée ba go, uçuomo sée go kí ñgúngu ledre 'bì Lomo, zí moko bì kóo mengizé dongarase íri ní ndéréne lá gbékpíe.

*Ledre bì Timatiyo likpí gí rosé ní oto zée kí mongú rokinyi*

<sup>6</sup> Mbófo éyí gí ro mindá'baógu Timatiyo gí zíse girí. Ledre bì uku zíze gí rosé ní, síli ilí rozé gí zía miílí kídí, née lurúndiki ené bisinyí ledre gí zíse íri wá. Ledre 'bì Yésu bì ñgúngusé kí óto 'búse bì dengbise kpá gí zí ngíti géyí 'yí e ní, ni yí ené do biné kídí, ndịsịsé kpá fú sómú ledrezé káa zí mbigí ezelámase ní. Ílisé gí ro ówo zée kpá káa zí bì ilizé gí ro ówo sée ní. <sup>7</sup> Owú 'bì Babá e, abú azé ndíki tų'dų říkí úzu ledre e gí zí ngíti géyí 'yí e ndotó, simi bì uwúze ledre ga gére ní, oto mimbé'dezé go ídríne. <sup>8</sup> Abú azé simi tų'dų úzu éyí e kpá kí 'do'dó ndotó yá, azé kí mongú rokinyi kíngaya, gí zía bì ñgúngu ledre esé oto sée go fú ndịsị lódú kací Ngére Yésu ma'dáa ndéré káe 'dá'dá ní. <sup>9</sup> Éyí bì méngisé née ní, oto zée go zíze ídíze kí mongú rokinyi, owozé wá azé í'bí mbófo éyí zí Lomo ba lára a káa be 'di kací bilámá ledre bì méngisé zíze née? <sup>10</sup> Kací kadra za mbá, ndịsịzé kí íni ini zí Lomo kíngaya gí rosé, gí do bì zíze óguzé zíse íri sáká sée kí énzí komosé, gí ro zíze ndịsịsé lódú kací Yésu kí

roko'buṣé nda za kíngaya rómo do wo bi ndị́sị́sé méngị́ a nées ní.

<sup>11</sup> Ndị́sị́zé íni ini kídí, 'Buzé Lomo kí Ngéere ezé Yésu idíní líkpí mị́sì'di zíze gi ro óguzé zise íri. <sup>12</sup> Ngéere ezé idí sáká sée, zise óto 'búse dengbị́se kí 'bú ngíti géyị́ 'yị́ e kíngaya kpá káa zí bi otozé 'búse ní. <sup>13</sup> Idí sáká sée zise óto 'bú lafúse e kenée gi ro zí míméngị́ ledre esé e ídíye bílámáye káa bi áse ídí kí lúyú ledre rosé do komo Lomo bi 'Buzé ní kadra bi Ngéere ezé Yésu ni ndá'baógụ́ kí maláyika ené e simi a ní ke.

## 4

*Bílámá ndị́sị́ bi zí Lomo ídíne kí rokinyi gi roa ní*

<sup>1</sup> Owú 'bi Babá e, káa zí bi kóo enzị́zé komosé kí 'dódo ledre gi ro bílámá ndị́sị́ kí bílámá míméngị́ ledre bi ni óto Lomo zía ídíne kí rokinyi gi zise ní, owozé go, áse go tí ndị́sị́ méngị́ a kenée. Azé kpá fú úku ándá a, ídíse ndị́sị́ méngị́ bílámá ledre ga gére nées fú kenée zía rómoné mirómo. Ukuzé ledre nées zise kenée do bi kací Ngéere Yésu. <sup>2</sup> Ówosé mbá bú, i'bí lorụ́ ledre ga gére nées zize ne, bi zize kóo ndị́sị́zé 'dódo ledre ené kée zise íri ní.

<sup>3</sup> Lomo ilí ídíse ólúógụ́ gi simi lúyú ledre 'dá'ba, gi ro zise útúásásé kací komoné káa do mbigí 'yị́ ené e. Sée ga bi ófúsé rosé go ní, ndásé méngị́ 'berị́ wá. Sée ga bi ngára ófúsé aka rosé wá ní, ídíse ófú'dóro rosé kí, áse nda fú ówo rosé káa do kára kí o'do. <sup>4</sup> Ídíse óto dokuwu ófú ro'yị́, zía ídíne bílámáne do komo Lomo kpá kí



'yìma'dí e. <sup>5</sup> 'Yì ga bi ngàrá iliní ledre 'bi Lomo wá, zíye 'dí'bi lá dùú ledre 'bi só'do royé ní, sée, ndásé méngì ledre eyé née wá. <sup>6</sup> Simi ledre káa zí ga gére ní, 'yì ndaá méngìsìnyì ledre zí ezené lá gì zí 'bú ledre gì doné wá. Gì zía Ngére Yésu nì gú í'bí ndúwu ro'yì e gì zí lúyú ledre káa zí ga gére ní. Ukuzé kóo ledre ga gére née zise go 'dá'dá, kpá kí úcuómo sée gì ro lúyú ledre káa zí ga gére ní, <sup>7</sup> Lomo ndolo ené kóo zée gì ro zise ídíze 'yì lúyú ledre e wá, ili zise ídíze mbigí 'yì ené e do komoné. <sup>8</sup> Togú 'yì asi go kí úwú ledre ba ní, asi ené née kí úwú ledre 'bi 'yìma'dí wá, asi yì ené née kí úwú ledre 'bi Lomo bi kasa zía simi roko'bù 'bi 'Dówúne ní.

<sup>9</sup> Togú gì ro bilámá ndìsì kí óto 'búse dengbise kpá kí ngíti géyì 'yì e yá, utúasázé éké ledre gì roa zise wá, gì zía Lomo 'dodo ledre gì roa go zise. <sup>10</sup> Méngìsé go tí kenée, ótosé 'bú 'yì ga bi 'bi Kírésìto simi Mekedoníya íri ní go mbá. Ili, ídíse fú ndìsì méngì a kenée zía rómoné mirómo.

<sup>11</sup> Idí ídí simi dosé kídí, míméngì ledre esé ni bilámáne. Ndásé esì tarasé simi ledre 'bi 'yì e wá. Ídíse méngì moko kíngaya káa zí bi kóo 'dodozé zise ní. <sup>12</sup> Ídíse méngì a kenée gì do bi zí 'yì ga bi ngàrá iliní ledre 'bi Lomo wá ní óto dokuwusé, kpá káa bi ásé ndìsì óto komosé dùú go ro sáká éyì gì zí 'yì e ke.

### *Ledre gì ro mindá'baógù Ngére Yésu*

<sup>13</sup> Owú 'bi Babá e, ilizé zise ówo ledre gì ro 'yì ga bi kóo 'bi Lomo, uyuní go 'dá'dá ní, káa bi ásé ndìsì ini yée káa zí 'yì ga bi somúní 'bi eyé kídí,

Lomo uru 'yi e gi simi umbu wá ní ke. <sup>14</sup> Owozé go kídí, 'yi ga bi kóo 'bi Yésu uyuní 'dá'dá ní, Lomo ni úru yée gi simi umbu mbá, cé káa zí bi kóo uru Yésu ma'dáa ní. <sup>15</sup> Ndásé sómú a bi yaá kadra bi Ngére ezé Yésu ni ndá'baógu simi a ní, 'yi ené ga kóo uyuní 'dá'dá ní, niyí ídí 'bi eyé fí simi gu, nda lá zée ga bi azé tridri ní, azé ñnyí dũú ze ndéré ndíkí kíe wá. Éyí ndaá kenée wá. Uku'dodozé ba ledre bi uku ne ní. Ledre ma'dáa ni ídí káa. <sup>16</sup> Ngére Yésu ni ndá'baógu gi komo ere, zía ótrú lorú kí mongú kúrúne 'dága, zí ngére maláyika e úku ledre zí ngíti maláyika gi do bi zía ímí dībīlī 'bi Lomo gi ro zí 'yi ga bi kóo 'bi Kírésito uyuní ní úrúye mbá. <sup>17</sup> Gi ro zí lafúne e 'dó'dúyóko zée 'yi ga bi 'bi Yésu azé aka tridri ní ndro kí lafúze ga bi Yésu ni úru yée ní, zíze ñnyizé kéye mbá ndéré ndíkí kí Ngére Yésu ma'dáa simi síli 'dága. Zíze nda ídíze kéye kpá kí Ngére Yésu do bi kíé'do za fí. <sup>18</sup> Idíze ndísi úku ledre káa zí wo ba zí lafúze e gi ro 'dí'bióyó mongú sómú ledre kíe gi dozé 'dá'ba, káa bi azé ndísi ídí kí mongú lerí gi ro 'yi ezé ga bi uyuní go ní ke.

## 5

<sup>1</sup> Owú 'bi Babá e, ndazé kí ngíti ledre kpí tarazé úku zise gi ro kadra mindá'baógu Ngére Yésu wá, <sup>2</sup> gi zía ówoyemesé go bilámáne kídí, mindá'baógu a ni líyí 'yi e mbá mīlīyí. <sup>3</sup> Kadra mindá'baógu Ngére Yésu, 'yi ga bi ñgunḡuní ledre ené wá ní owoní eyé e wá. Niyí ndísi úku ledre eyé kídí, éyí ndaá, yée niyí yí eyé bilámáye.

Bisinyí ledre ni ógụ zíye 'diya káa ní, utúasání ómo gi zía wá, cé káa zí mbámíowú bi simia tonó ówo gi ro árá ní, utúasá úcuómo a wá.

<sup>4</sup> Bi gi rosé ní, sée ga bi nḡunḡusé ledre Yésu go ní, liyi ené sée miíyi wá. <sup>5</sup> Zée kése, gi zía nḡunḡuzé ledre Yésu go, azé yi ezé go 'yi ga bi 'bi bimiónḡó ní. Ndazé ezé 'yi ga bi 'bi mituluru ní wá, bi kenée ní, ndazé ídí káa zí 'yi ga bi nḡunḡuní ledre Yésu wá ní wá. <sup>6</sup> Gi zía, owoní eyé ledre gi ro ledre 'bi Lomo wá, niyi yi eyé cé káa zí 'yi ga bi niyi mi'dú'duyé, ngíti géyi mikóyóye, owo'di'biní eyé ledre ga bi niyi ndisi méngi royé ní wá. <sup>7</sup> Abú kenée ndotó, azé yi ezé káa zí 'yi ga bi niyi dilá kí kadra simi bimiónḡó ní, owozé ledre ga bi gi ro ledre 'bi Yésu ní bú. Idíze óto komozé ro ledre ené kpá kí 'bá'bá rozé gi zí Satána. <sup>8</sup> Ledre 'bi Ngére Yésu bi nḡunḡuzé kí óto 'bú 'yi e kpá kí óto komozé kací 'Yi yómo zée ma'dáa ní, idí tátá fú 'dá'dá. Togú mengizé go fú kenée yá, azé utúasá 'bá'bá rozé gi zí Satána, zize idíze nzíyizé gi ro mindá'baógu Yésu. <sup>9</sup> Lomo ili go kídí zée 'yi ga bi 'bi Kírésito Yésu ní, azé ídí kí tridri bi za fí ní, gi zía Ngére Yésu 'yi yómo 'yi e uyu kóo go gi rozé. Nduwú bi za fí ní, ogụ rozé wá. <sup>10</sup> Togú azé fú tridri, zize ndisizé fú kí óto komozé kací Yésu ma'dáa, gi kadra bi ni ndá'baógu simi a ní yá, azé ídí kéne do bi kéri a. Togú uyuutuzé rozé mbú ze 'dá'dá, bisinyí ledre ndaá, azé kpá fú ídí kéne do bi kéri a. <sup>11</sup> Bi kenée ní, idísé ndisi énzí komosé dengbise kí lafúse e kí sáká rosé tí káa zí wo bi ndisise méngi a née, gi ro zí Lomo ídine kí

rokinyi kíse.

*Odu loru gi zí Páwulo gi ro bilámá ndịsi*

<sup>12</sup> Owụ 'bi Babá e, dodózé rozé rosé, ídísé óto úndru 'yi ga bi Ngére ezé Yésu oto yée go zise káa do manda 'dá'dá e, bi ndịsiní lóru sée kí méngi moko kíngaya dongaráse ní. <sup>13</sup> Ídísé óto 'búye, zise ndịsísé kéye bilámáne gi zí moko bi ndịsiní méngi a dongaráse íri ní. Ndásé ndịsi kí ófú dongaráse kéye wá. <sup>14</sup> Ídísé lóru 'yi ngịdrị e idíní méngi moko, zise kpá lóru 'yi máa yée ga bi kí ngiri royé, roko'buyé ayí go ndá'ba 'dá'ba kí lódú kací Yésu ní. Zise sáká yée ga bi ngára utúasání sáká royé wá ní, zise óto mimbé'desé bilámáne kí 'yi e za mbá. <sup>15</sup> Ndásé méngilúgu bisinyí ledre zí 'yi ga bi ménginí bisinyí ledre go zise ní wá. Ídísé ndịsi méngi yéme ledre zise dengbise kpá gi zí 'yi e za mbá.

<sup>16</sup> Ídísé ídí kí rokinyi kací kadra za mbá. <sup>17</sup> Zise ndịsísé kí ini ini zí Lomo kpá kací kadra za mbá. <sup>18</sup> Abú ledre e ménginí sée ndotó, ídísé í'bí mbófo éyí zí Lomo, gi zía, née ledre bi Lomo ma'dáa ili, zée 'yi ga bi 'bi Kírésito Yésu zize ndịsízé méngi a ní.

<sup>19</sup> Ndásé úkucáyi ledre gi ro kúrú Lomo bi ndịsiní úkutátá a zise ní wá, <sup>20</sup> káa bi áse úfu moko 'bi 'Dówú Lomo ke. <sup>21</sup> Ídísé ndịsi lúru ledre e mbá mílúru bilámáne kpó kpó kpó. Wo bi ni gi zí 'Dówú Lomo ní, áse ówo a, zise 'dí'bi dūú wo, <sup>22</sup> zise ótoómo bisinyí a 'dá'ba.

<sup>23</sup> Lomo 'Yi í'bí bikịdrị zí 'yi e, idí óyóló'bó sée ne káa do mbigi 'yi ené e. Zía lúru bi kacise

bilámáne, kí mimbé'desé, kí misómù ledre esé kpá kí miméngi ledre esé e za mbá, káa bi ásé idí kí milúyú ledre rosé simi kadra bi Kírésito Yésu Ngére 'Yi yómo 'yi e ni ndá'baógu simi a ní ke. <sup>24</sup> Káa zí bi Lomo ndoloogu sée go káa do 'yi ené e ní, ni tí méngi ledre máa ga gére née zise ma'díi.

*Odu mandá gi zí Páwulo e*

<sup>25</sup> Owú 'bi Babá e, idísé ini ini zí Lomo kpá gi rozé. <sup>26</sup> I'bízé mandá zise 'yi ga bi 'bi Lomo ní za mbá kíngaya. <sup>27</sup> Máúku ba wo zise do komo Ngére Yésu kídí, idíní ólo ledre ba zí 'yi ga bi 'bi Lomo bi niyí íri ní za mbá.

<sup>28</sup> Kírésito Yésu Ngére ezé idí kíse.

**MIKÁNDA LORU 'BI LOMO KÍ DOSÍ ÉYÍ E**  
**Baka: MIKÁNDA LORU 'BI LOMO KÍ DOSÍ ÉYÍ E New**  
**Testament+**

copyright © 2016 Wycliffe Bible Translators, Inc.

Language: Baka

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

9ebc1b62-650d-5302-9391-27a31d140102